



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“ broj 95/12), člana 25. Pravilnika o godišnjim finansijskim izvještajima političkih stranaka („Službeni glasnik BiH“ broj 96/13) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2013. GODINU **HRVATSKE DEMOKRATSKE ZAJEDNICE BOSNE I HERCEGOVINE**

Broj: 03-07-6-365/14
Sarajevo, 25. maj 2015. godine

S A D R Ź A J

MIŠLJENJE REVIZORA	3
1.UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE REVIZIJE	6
5.1. NALAZI REVIZIJE.....	6
5.2. PREPORUKE	7

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Hrvatske demokratske zajednice Bosne i Hercegovine za 2013. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuje pouzdanost koja bi se dobila izvršenom revizijom u prostorijama stranke.

Na osnovu obavljenog pregleda godišnjeg finansijskog izvještaja za 2013. godinu, utvrđeno je da je Hrvatska demokratska zajednica Bosne i Hercegovine prekršila odredbe člana 5. stav (4), člana 6. stav (2), člana 11. i člana 12. stav (1) i (3) Zakona o finansiranju političkih stranaka.

Pregledom, odnosno kontrolom finansijskog izvještaja, nismo zapazili ništa značajno, osim gornje napomene, što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Hrvatske demokratske zajednice Bosne i Hercegovine za 2013. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Hrvatska demokratska zajednica Bosne i Hercegovine je ostvarila prihode u iznosu od 1.632.633,63 KM i finansirala se iz sljedećih izvora¹:

Red. br.	Vrsta prihoda	Iznos u KM	Učešće u uk. prih. %
1	Članarina	58.082,99	3,56%
2	Prilozi fizičkih lica (3-a)	141.849,29	8,69%
3	Prilozi pravnih lica (3-b)	9.100,00	0,56%
4	Prihodi od imovine (3-c)	4.842,36	0,30%
5	Prihodi od pr.lica (3-d)	0,00	0,00%
6	Prihodi od poklona (3-e)	16.556,40	1,01%
7	Prihodi iz budžeta (3-f)	1.400.827,81	85,80%
8	Prihodi od propag. (3-g)	0,00	0,00%
9	Ostali prihodi	1.374,78	0,08%
I	Ukupni prihodi	1.632.633,63	100,00%
II	Kreditno zaduženje kod banaka	0,00	0,00%
	Izvori finansiranja (I+II)	1.632.633,63	100,00%

U finansijskom izvještaju Hrvatska demokratska zajednica Bosne i Hercegovine je iskazala ukupne rashode u iznosu od 1.555.920,98 KM².

2. PREDSTAVLJANJE POLITIČKE STRANKE

Naziv političke stranke je Hrvatska demokratska zajednica Bosne i Hercegovine. Skraćeni naziv stranke je HDZ BiH.

Hrvatska demokratska zajednica Bosne i Hercegovine je, Rješenjem broj: R-I-23/90 od 06.09.1990. godine, upisana u registar političkih organizacija kod Višeg suda u Sarajevu. Politička stranka je 2001. godine promijenila sjedište, pa je Rješenjem broj: R-1/2001 od 03.09.2001. godine, te izmjenama rješenja od 26.02.2002. godine, 28.05.2003. godine, 23.06.2005. godine i Rješenjem broj: R/1-09 od 01.10.2009. godine upisana u Registar političkih organizacija Općinskog suda u Mostaru.

Sjedište političke stranke je u Mostaru, ulica Kneza Domagoja bb.

¹ Podaci su preuzeti i korigovanog finansijskog izvještaja, koji je politička stranka Centralnoj izbornoj komisiji BiH dostavila 31.03.2015. godine, nakon što je u skladu sa odredbom člana 14. stav (3) Zakona o finansiranju političkih stranaka dobrovoljno otklonila nedostatke, navedene u Preliminarnom izvještaju o pregledu godišnjeg finansijskog izvještaja za 2013. godinu Hrvatske demokratske zajednice BiH

² Podaci su preuzeti i korigovanog finansijskog izvještaja

Lice ovlašteno za zastupanje Hrvatske demokratske zajednice BiH je Dragan Čović, predsjednik stranke.

Lice ovlašteno za podnošenje finansijskih izvještaja za 2013. godinu je Marica Jurić.

Prema podacima iz godišnjeg finansijskog izvještaja za 2013. godinu, organizacionu strukturu Hrvatske demokratske zajednice BiH čine:

- Središnji ured HDZ BiH Mostar,
- 9 kantonalnih/županijskih odbora HDZ BiH,
- Gradski odbor HDZ BiH Mostar
- 62 općinska odbora HDZ BiH i
- Zajednica žena "Kraljica Katarina Kosača".

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski Hrvatske demokratske zajednice BiH za 2013. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskog izvještaja Hrvatske demokratske zajednice BiH obuhvata kontrolu i provođenje analitičkih procedura radi utvrđivanja usklađenosti podataka, koje je stranka iskazala u finansijskom izvještaju, sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na: članarine, priloge fizičkih i pravnih lica, prihode iz budžeta i kreditno zaduženje kod poslovnih banaka.

4. PRETHODNE KONTROLE I REVIZIJE

Služba za reviziju je izvršila pregled i reviziju godišnjih finansijskih izvještaja Hrvatske demokratske zajednice BiH u periodu od od 2004. do 2012. godine, nakon čega su izdati izvještaji o reviziji, odnosno izvještaji o pregledu sa nalazima revizije, mišljenjem revizora i preporukama stranci.

Nakon izvršene revizije godišnjeg finansijskog izvještaja za 2012. godinu, izdat je izvještaj o reviziji sa mišljenjem revizora, nalazima revizije i preporukama stranci: da se ne finansira iz izvora koji su političkim strankama zabranjeni Zakonom o finansiranju političkih stranaka, da vodi evidencije o svojim prihodima i rashodima, da finansijske izvještaje podnosi u formi koju je odobrila Centralna izborna komisija BiH, da poštuje i druge propise, prevashodno poreske, iz kojih proističu dodatne obaveze i troškovi za stranku, da prihode i rashode priznaje u momentu njihovog nastanka i da ne vrši isplate na osnovu nevalidne dokumentacije.

Nerealizovane preporuke:

Na osnovu uočenih nedostataka u godišnjem finansijskom izvještaju za 2013. godinu, utvrđeno je da je politička stranka nije u potpunosti ispoštovala preporuke revizije.

5. NALAZI I PREPORUKE REVIZIJE

5.1. NALAZI REVIZIJE

a) Hrvatska demokratska zajednica BiH je prekršila odredbe člana 5. stav (4) i člana 6. stav (2) Zakona o finansiranju političkih stranaka.

Politička stranka nije vodila evidencije o dijelu priloga koje je ostvarila korištenjem poslovnih prostora, bez plaćanja zakupnine, priloge fizičkih lica nije uplaćivala na transakcijski račun centrale stranke, odnosno račun Središnjeg ureda HDZ BiH Mostar, niti je uplaćivala članarine na transakcijski račun političke stranke, kako je propisano odredbama Zakona o finansiranju političkih stranaka.

- (1) Dva niža organizaciona dijela Hrvatske demokratske zajednice BiH, koristeći poslovne prostorije bez naknade, ostvarili su nenovčane donacije o kojima politička stranka nije uspostavila evidencije i nije ih prijavila u finansijskom izvještaju, čime je prekršila odredbu člana 5. stav (4) Zakona o finansiranju političkih stranaka³.

U finansijskom izvještaju politička stranka nije iskazala troškove zakupnine kod OO HDZ BiH Ljubuški i OO HDZ BiH Busovača, iako su isti ostvarili troškove električne energije, u iznosu od 1.279,90 KM, što ukazuje na činjenicu da su koristili poslovne prostore. Obzirom da nisu iskazani troškovi zakupnine, činjenica je da su prostori korišteni bez naknade, te da je politička stranka ostvarila donacije koje nije evidentirala i prijavila u finansijskom izvještaju.

- (2) Hrvatska demokratska zajednica BiH nije uplatila na transakcijski račun centrale stranke, odnosno račun Središnjeg ureda HDZ BiH Mostar priloge fizičkih lica u iznosu od 70.586,29 KM, čime je prekršila odredbe člana 5. stav (4) i člana 6. stav (2) Zakona o finansiranju političkih stranaka⁴.

Uvidom u evidencije iz poslovnih knjiga, izvode sa transakcijskog računa Središnjeg ureda i određenog broja nižih organizacionih dijelova stranke, te finansijski izvještaj Hrvatske demokratske zajednice BiH, utvrđeno je da je politička stranka ostvarila novčane priloge fizičkih lica u iznosu od 141.849,00 KM. Od pomenutog iznosa, 24.163,00 KM donatori su uplatili na transakcijski račun stranke, dok su prilozi u iznosu od 117.686,00 KM stranci uplaćeni gotovinski. Iako je u skladu sa odredbama Zakona o finansiranju političkih stranaka, ovlašteno lice u političkoj stranci bilo obavezno da dobrovoljne priloge uplaćuje na transakcijski račun najkasnije u roku od 10 dana, od dana prijema uplate, na račun je uplaćeno svega 40% priloga, odnosno iznos od 47.100,00 KM.

Središnji ured HDZ BiH Mostar na transakcijski račun nije uplatio ni članarine u iznosu od 5.316,40 KM. Od članarina u iznosu od 10.730,00 KM, koje je ostvario središnji ured stranke, članovi stranke su uplatili na transakcijski račun iznos od 5.413,60 KM.

b) Politička stranka je prekršila odredbe člana 11. i člana 12. stav (1) Zakona o finansiranju političkih stranaka.

Hrvatska demokratska zajednica BiH, suprotno odredbama člana 11. i člana 12. stav (1) Zakona o finansiranju političkih stranaka, u poslovnim knjigama nije evidentirala nenovčane donacije

³ U skladu sa odredbama člana 5. stav (4) Zakona o finansiranju političkih stranaka, političke stranke dužne su voditi evidenciju o prijemu članarina i dobrovoljnih priloga, te izdavati potvrde o prijemu članarina i dobrovoljnih priloga.

⁴ U skladu sa odredbama člana 5. stav (4) Zakona o finansiranju političkih stranaka, ovlašteno lice u političkoj stranci uplaćuje članarinu i dobrovoljne priloge neposredno na transakcijski račun političke stranke najkasnije u roku od 10 dana od dana prijema uplate. U skladu sa odredbom člana 6. stav (2) istog Zakona, dobrovoljni prilozi u novcu uplaćuju se na transakcijski račun centrale političke stranke.

koje je ostvarilo njenih pet organizacionih dijelova, na način što su koristili poslovne prostorije, bez plaćanja zakupnine. Stranka u poslovnim knjigama nije evidentirala ni troškove zakupnine u istom iznosu⁵.

Pomenute nenovčane donacije u iznosu od 8.606,40 KM i troškove zakupnine stranka je prijavila u korigovanom finansijskom izvještaju, koji je Centralnoj izbornoj komisiji BiH dostavila 31.03.2015. godine, u skladu sa odredbom člana 14. stav (3) Zakona o finansiranju političkih stranaka⁶. Stranka nije dostavila dokaze koji ukazuju na izmjenu evidencija u poslovnim knjigama.

5.2. PREPORUKE

Preporučuje se Hrvatskoj demokratskoj zajednici BiH da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da u skladu sa članom 5. stav (4) Zakona uspostavi i vodi evidencije o svim priložima,*
- *da članarinu i dobrovoljne novčane priloge uplaćuje na transakcijski račun, u skladu sa članom 6. stav (2) Zakona i*
- *da evidencije o prihodima i rashodima, u skladu sa članom 12. stav (3) Zakona, upotpuni u skladu sa nalazima revizije.*

Komentar

Hrvatska demokratska zajednica BiH je aktom, broj: I-02-18-1/15 od 27.03.2014. godine odgovorila na Preliminarni izvještaj o pregledu godišnjeg finansijskog izvještaja za 2013. godinu, u kome navodi da prihvata primjedbe revizije, u vezi neprijavljivanja nenovčanih donacija po osnovu korištenja poslovnih prostora i pogrešno unesenih pozajmica, pa je izvršila ispravke finansijskog izvještaja koje je dostavila u prilogu pomenutog akta.

Nalaz revizije u dijelu, koji se odnosi na obavezu političke stranke da sve članarine i novčane priloge fizičkih i pravnih lica uplaćuje na transakcijski račun centrale stranke, ostao je nepromijenjen.

Šef Odsjeka za revizijske poslove

Sanja Tošović

Šef Službe za reviziju, revizor

Mr. sc. Hasida Gušić

⁵ U skladu sa odredbom člana 11. Zakona o finansiranju političkih stranaka politička stranka je dužna voditi poslovne knjige i podnositi finansijske izvještaje na način koji je utvrđen zakonom i drugim propisima u skladu sa zakonom. U skladu sa odredbom člana 12. stav (1) Zakona stranka je obavezna voditi evidencije o svojim prihodima i rashodima.

⁶ Prije izricanja kazne ili preduzimanja administrativne mjere, Centralna izborna komisija Bosne i Hercegovine nastojat će da postigne da politička stranka, za koju je ustanovljeno da je prekršila odredbe ovog zakona, dobrovoljno otkloni uočene nedostatke, ako su oni otklonjivi.